

6

Құдай қосқан



7

Теңіз бен дария жыршысы



Сыр бойы

18 мамыр, сенбі 2024 жыл



№75-76 (20749-20750)

Қызылорда облыстық қоғамдық-саяси газет. 1929 жылдың 1 шілдесінен шығады

www.facebook.com/syrboyi_kz

www.instagram.com/syrboyi_kz

t.me/syrboyi_kz

twitter.com/syrboyi

/// ПРЕЗИДЕНТ

МАЛАЙЗИЯ ПРЕМЬЕР-МИНИСТРИНІҢ САПАРЫ АЯҚТАЛДЫ



Мемлекет басшысы Қасым-Жомарт Тоқаев елімізге ресми сапары аяқталған Малайзия Премьер-министрі Ануар Ибрагимді елорда әуежайынан шығарып салды деп хабарлайды Ақорданың баспасөз қызметі.

Өз кезегінде Ануар Ибрагим құрмет көрсеткені үшін Қазақстан Президентіне алғыс айтып, Қасым-Жомарт Тоқаевты туған күнімен құттықтады.

Айта кетейік, «Акорда» резиденциясында Қазақстанға ресми сапармен келген Малайзия Премьер-министрі Ануар Ибрагимді салтанатты түрде қарсы алу рәсімі өткен болатын.

Мемлекет басшысы шағын форматтағы кездесу барысында Малайзияны Қазақстанның Оңтүстік-Шығыс Азиядағы маңызды әрі сенімді серіктестерінің бірі ретінде атады.

Малайзия делегациясымен кеңейтілген құрамда өткен келіссөз барысында өзара тиімді байланыстарды одан әрі нығайтуға баса мән беріліп, екіжақты күн тәртібіндегі бірқатар өзекті мәселе қарастырылды.

/// JEDEL JAҢАЛЫҚТАР

«БАЙҚОҢЫР» КЕШЕНІ: 234 НЫСАН ҚАЗАҚСТАНҒА ҚАЙТАРЫЛМАҚ

Бұл туралы Сенат депутаттарының сауалына ҚР Премьер-министрі Олжас Бектеновтің жауабында айтылғаны жөнінде кеше Қазақпарат хабарлады.

Үкімет басшысының жауабына қарағанда, 2022 жылғы 2 желтоқсандағы «Байқоңыр» кешені бойынша үкіметаралық комиссияның 8-отырысының хаттамасын орындау аясында Ресей тарапы жалға алушылар құрамынан шығаруға ұсынылатын 234 объектінің тізбесін ұсынған. Олардың базасында 300-ге жуық жаңа жұмыс орнын құра отырып, өндірістерді ұйымдастыру жоспарланып отыр.

Премьер-министрдің атап өтуінше, ғарыш саласы инвестицияларды мемлекеттік қолдау аясында басым салаға жатқызылған. Үкіметтің 2016 жылғы 14 қаңтардағы №13 қаулысымен бекітілген инвестициялық жобаларды іске асыру үшін басым қызмет түрлерінің тізбесіне ғарыш аппараттарын, жүйелерін өндіру, жөндеу, техникалық қызмет көрсету сияқты қызмет түрлері жатқызылған.

Сондай-ақ бұл ретте туризмді дамыту мақсатында 2023 жылғы қыркүйекте «Байқоңыр» кешені бойынша үкіметаралық комиссияның 9-отырысында берілген тапсырмаларды іске асыру үшін тараптар оның базасында ғарыш техникасының үлгілері мен макеттерін орналастыра отырып, музей кешенін құру үшін «Гагаринский старт» 1-ші және 2-ші алаңын одан әрі пайдалану жөнінде ұсыныстар әзірлейді. «Зенит-М» ғарыштық зымыран кешені нысандарының туристік тартымдылығын жақсарту үшін тур бағдарламасы әзірленген. Зымыран қозғалтқыштары, «Союз-5» зымыранының макеті, киіз үй орнатылып «Этноауыл» экспозициясы және тағы басқалары жасалған. Мұнан өзге «Байқоңыр» кешенінің «Крайний» әуежайының әуе кеңістігін пайдалану және кешенде тұрақты әуе қатынасын қалыптастыру мақсатында Қазақстан мен Ресей үкіметтері арасында мемлекеттік органдар мен аккредиттелген ұйымдардың келісімінде тұрған Келісімнің жобасы әзірленген көрінеді.

ҚЫЗЫЛОРДАДАН АЛАКӨЛГЕ ПОЙЫЗ ЖҮРЕ МЕ?

Биыл жаз айларында Қазақстан теміржолы курорттық аймақтарға 4,2 миллионнан аса адамды тасымалдауды межеге алып отыр. Tengritravel.kz тілшісі компанияның баспасөз қызметіне сілтеме жасап хабарлауына Алакөл көліне бағыт алатын пойыздар қатарында биыл алғаш рет Қызылордадан танымал туристік орынға пойыз қатынамақ.

«Жолаушылар тасымалы» АҚ пойыздары 10 бағыт бойынша, ал жеке тасымалдаушылардың пойыздары екі бағыт бойынша қатынайды. Ұлттық тасымалдаушы өз пойыздарын ең алдымен ауа баптау жүйесімен жабдықталған вагондардан құратыны айтылған. Бұл туралы компания басшылығының Алматыда өткен Алакөл көлі бағытында жазғы тасымалдауды ұйымдастыру мәселелері бойынша туристік операторлар және демалыс базаларының иелерімен кездесуінде белгілі болған.

Алакөл бағытындағы пойыздар танымал туристік станциялар – «Жаланаңкөл», «Ақши» және «Бескөлге» тоқтайды.

Ал баспасөз қызметі «Қызылорда-Алакөл» бағыты бойынша нақтырақ мәліметтер кейінірек берілетінін хабарлаған.

/// ТАРАЗЫ

ТАБИҒИ ТЕПЕ-ТЕНДІКТІ САҚТАУ немесе Оңтүстіктен Солтүстікке көшудің тиімділігі қандай?

Еліміздегі еңбек күшін реттеу үшін Оңтүстіктен Солтүстікке қоныс аудару бағдарламасының жүзеге асырылуына да бірнеше жыл болды. Ол қандай нәтиже берді? Демографиялық тепе-теңдікті ұстап тұруға септігі бар ма? Жалпы еңбек нарығын реттеуде тиімділігін көрсете алды ма?



муникация қызметінің мамандары да қажет.

Солтүстік Қазақстан облысы «Еңбек мобильділігі» орталығының директоры Аман Төрегелдиннің айтуынша, медицина саласының мамандары жетіспейді.

– Биыл облысқа 2700 адамды орналастыруға және оларды тұрғын үймен қамтып, жұмыс тауып беруге мүмкіндіктер қаралған. Одан басқа да салаларда жұмыс орындары бар. Әрине, көкейлеріңізде «Солтүстіктен неге кетіп жатыр?» деген сауал тұрған болар. Өздеріңізге белгілі, бізде халықтың 70 пайыздан астамы – өзге ұлт өкілдері. Олар басқа елдерге көшіп жатыр. Сонымен бірге Астана, Көкшетау секілді мегаполиске қоныс аударып жатқандар жетерлік. Бізде бос жұмыс орны көп. Жеке кәсіпкерлікпен айналысуға да мүмкіндік бар. Сіздерде керісінше халық саны көп. Мәселен, бір грантка 20-30 адамнан келетін болса, бізде 1 орынға 2 адам болады, екеуі де грантка ие болады, – деді.

2017-2021 жылдарға арналған «Еңбек» мемлекеттік бағдарламасының үшінші бағыты «Жұмыс күшінің ұтқырлығын арттыру» аясында жұмыс күші көп өңірлерден жұмыс күші жетіспейтін өңірлерге осы уақыт аралығында солтүстікке 735 отбасы (құрамында 1977 адам) қоныс аударған.

2022 жылдан бері жанадан «Қуатты өңірлер – ел дамуының драйвері» ұлттық жобасы іске асырылууда. Жоба аясында алдыңғы жылы өңірден 187 отбасы, ал бытыр 127 отбасы қоныс аударды. Айталық, өткен жылы Қостанай облысына 39, Солтүстік Қазақстанға 41, Павлодарға 32, Шығыс Қазақстанға 10, Ұлытауға 2, Абай облысына 3 отбасы көшіп барды. Бұл отбасылардың құрамында 460 адам бар. Демек осыныша адам Солтүстікке көшіп барып, жобаның игілігін көруде деген сөз. Қазір 162 адам тұрақты жұмысқа орналасып, 9-ы кәсіпкерлікпен айналысуға мүмкіндік алды. Сонымен қатар 123 отбасыға материалдық көмек көрсетіліп, 23 отбасы тұрғын үймен қамтамасыз етілді.

Биыл Солтүстік Қазақстан, Павлодар, Абай, Ұлытау өңірлеріне ерікті түрде қоныс аударған 1595 отбасының мүшесіне 6100 квота белгіленген. Осыған орай облысқа аталған өңірлерден мамандар келіп, жұмысқа шақырды. Әсіресе, ғылым, білім беру саласына сұраныс жоғары. Одан кейін сервистік, техникалық қызмет көрсету, өндіріс, өнеркәсіп, денсаулық сақтау, жеңіл және жүк көлігімен тасымалдау, мәдениет, спорт, әлеуметтік, қоғамдық тамақтану саласына да сұраныс көп. Солтүстік өңірлерге ауыл, орман және балық шаруашылығының мамандары, электрік, телеком-

4-бет

«АУЫЛ АМАНАТЫ» – ЖАРҚЫН БАСТАМАЛАРДЫҢ ЖОЛАШАРЫ

«Ауыл аманаты» – жүзеге асырыла бастағалы өзінің тиімділігін көрсетіп келе жатқан жоба. Бүгінде республика бойынша 80 млрд теңгеге жуық қаржыға жылдық 2,5 пайызбен 12,7 мың несие берілді.

Ауылды дамыту мәселелері Мемлекет басшысы Қасым-Жомарт Тоқаевтың ерекше бақылауында. Осы орайда «АМАНАТ» партиясы әзірлеген «Ауыл аманаты» жобасы қоғамда кеңінен қолдау тапты. Жоба – ауыл дамуының жаңа драйвері.

Оның аясында 2029 жылға қарай барлығы 1 миллион ауыл тұрғынын қамтып, 350 мың жаңа жұмыс орнын ашу жоспарланып отыр. Бағдарламаны жүзеге асыруға 2024 жылы 100 млрд теңге бөлу жоспарлануда.

3-бет

/// МӘМІЛЕ

АРАЛДА УНИВЕРСИТЕТТІҢ ОҚУ ОРТАЛЫҒЫ АШЫЛАДЫ

Аймақтағы білім беру саласы тағы бір белеске шықты. Енді Арал қаласында Қызылорда ашық университетінің оқу орталығы жұмыс істейтін болады. Мұнда тұрғындардың жоғары білім алуына толық жағдай жасалып, ауданнан шықпай-ақ диплом иеленуіне мүмкіндік қарастырылмақ. Аталған бастаманы жүзеге асыру үшін Арал ауданы әкімдігі, облыстық білім басқармасы және Қызылорда ашық университеті өзара ынтымақтастық меморандумына қол қойды.

Бұрын аралдық ағайын жоғары білімді өзге облыстан іздейтін. Сондықтан мейлінше ол жаққа көпбалалы отбасылардың барғаны қажет. Жасыратыны жоқ, кейінгі уақытта бала санын алға тартып, алақан жайып көмек сұраушы қатары артауда. «Аш адамға балық берме, қармақ бер» деген нақыл осындайда еске түседі. Егер осы жоба аясында көпбалалы отбасыларды қоныстандырып, жұмысқа орналастырса, бірнеше мәселе шешілімек.

туған жерде білім алуға үндейтін жоба кезек күттіргені бар. Міне, оның шешімі табылып, шалғай ауданға материалдық-техникалық базасы қалыптасқан университеттің оқу орталығын ашу бастамасы өмірге келді.

3-бет

СУРЕТШІЛЕР СИМПОЗИУМЫ

Кеше С.Айтбаев атындағы көркемсурет галереясында «Қылқаламда мәңгілік ел бейнесі» атауымен суретшілердің халықаралық симпозиумы ашылды.

Облыстық мәдениет, архивтер және құжаттама басқармасы, облыстық тарихи-өлкетану музейінің филиалы, С.Айтбаев атындағы көркемсурет галереясы

бастамашы болған салтанатты шараға облыс әкімі аппаратының басшысы Шахмардан Байманов қатысып, симпозиум жұмысына сәттілік тіледі.

8-бет

БАСПАСӨЗ – 2024

Құрметті оқырман!

2024 ЖЫЛДЫҢ ЕКІНШІ ЖАРТЫЖЫЛДЫҒЫНА «СЫР МЕДИА» ЖШС-НА ҚАРАСТЫ ГАЗЕТТЕРГЕ ЖАЗЫЛУ ЖҮРГІЗІЛУДЕ

«Сыр бойы» газетіне жазылу бағасы:

- жекелер үшін: 6 айға – 3500 теңге.
- Мекемелер үшін: 6 айға – 4500 теңге.

Валюта бағамы \$ 443,44 kzt

€ 480,51 kzt

₽ 4,88 kzt

Ауа райы +22° +24°

+17° +19°

/// МЕРЕЙ

ӘБДІХАН КӨБЕЕВ – 90 ЖАСТА

Байланыс қызметкерлері күні облыс әкімі Нұрлыбек Нәлібаев байланыс саласының ардагері Әбдіхан Көбеевті 90 жас мерейтойымен және кәсіби мерекесімен құттықтады. Іс-шараға ардагерлер мен зиялы қауым өкілдері, Әбдіхан Жұмахметұлының әріптестері қатысты. Аймақ басшысы байланыс саласының мемлекет пен қоғам өміріндегі маңызды стратегиялық рөлін атап өтіп, мерейтой иесіне ізгі тілегін жеткізді.

– Сыр өңірінде адал еңбек, маңдай терімен халықтың құрметіне бөленген жандар жетерлік. Парасат биігіндегі ардақты азаматтарымыздың арқасында әрдайым бекем бірліктің, тату тірліктің үлгісін көрсетіп келеміз. Саналы ғұмырын аймағымыздың әлеуметтік-экономикалық, мәдени-рухани дамуына арнаған, елдің қошеметіне бөленген өздеріңіздей азаматтарды ардақтап, лайықты құрмет көрсетуді дәстүрге айналдырдық.

Бүгін Байланыс қызметкерлерінің



кәсіби мерекесі карсаңында осы саланың дамуына ерекше еңбегі сіңген ардагер, «Құрмет» орденінің иегері Көбеев Әбдіхан Жұмахметұлының мерейлі 90 жас қуанышына орай жиналадуымыз. Аймақтағы байланыс саласының қарқынды дамуына үлес қосқан, байланысшылардың бірнеше толқынын тәрбиелеген ұстаз ретінде сізге алғысымыз шексіз. Тілеулес

азаматтардың, ақ адал ниетті жерлестеріңіздің атынан сізді мерейтойыңызбен шын жүректен құттықтап, деніңізге саулық, отбасыңызға амандық тілейміз! – деді облыс әкімі.

Іс-шарада мерейтой иесіне Қызылорда облысының Құрмет грамотасы табысталды.

Әбдіхан Көбеевті құқық қорғау саласының ардагері Нұрахмет Ералиев, Қызылорда облысының Құрметті азаматтары Биғали Қаюпов, Айтбай Көшербаев құттықтады.

Әбдіхан Жұмахметұлы 1934 жылдың мамыр айында Арал қаласында дүниеге келген. 1953 жылы Ташкент қаласындағы Орта Азия политехникалық институтының «Тау-кен» факультетіне, 1956 жылы Қазақстан, Орта Азия республикаларының байланыс саласына маман даярлау үшін арнайы ашылған электротехникалық байланыс институтына оқуға түсіп, үздік бітірген. Мемлекеттік комиссия жолдамасымен еңбек жолын 1960 жылы Қызылорда байланыс басқармасында инженер болып бастаған. 1961-1970 жылдары Арал аудандық байланыс қызметінің,

1970-1979 жылдары Қызылорда қаласының біріккен байланыс кеңсесінің бастығы болған.

Әбдіхан Жұмахметұлы аудан, облыс, республикада өз саласына байланысты ұсыныстарды, атап айтқанда, автоматты телефон стансасын Қызылорда облысында бірінші кезекте салу туралы мәселе көтерген. Негізделген дәлелдердің арқасында облыстағы бірінші АТС-ты Арал қаласында салу жөнінде шешім қабылданып, 1966 жылы жаңа станса іске қосылған. Сонымен бірге облыс аудандарының ішінде бірінші болып Арал қаласында телевизиялық орталық салынып, ел игілігіне табысталған. Ол 1979-1995 жылдары Қызылорда облысының өндірістік-техникалық байланыс басқармасының бастығы қызметін абыроймен атқарды, саланы 34 жыл басқарып, құрметті зейнет демалысына шықты. Қызмет жолында облыстық партия комитетінің мүшесі, облыстық кеңестің депутаты болып, өмірдің өзекті мәселелерінің шешілуіне белсенді атсалысты.

Облыс әкімінің баспасөз қызметі

Елімізде 17 мамырда Байланыс қызметкерлері күні аталып өтеді.

Кеше облыс әкімі аппаратының басшысы Шахмардан Байманов арнайы ұйымдастырылған жиында сала мамандарын кәсіби мерекемен құттықтап, облыс әкімінің Алғыс хатын табыстады.

БАЙЛАНЫС САЛАСЫНЫҢ МАМАНДАРЫ МАРАПАТТАЛДЫ

Облыс әкімдігі тұрғындардың заманауи коммуникациялық қызметтерге қолжетімділігін арттыру үшін байланыс операторларымен тығыз ынтымақтастық орнатқан.

Бүгінде Мемлекет басшысының интернет және байланыс саласын дамыту жөніндегі тапсырмаларын орындау мақсатында «Қолжетімді интернет» ұлттық жобасы қабылданды. Алдағы уақытта жоба аясында республикадағы барлық ауылдық елді мекен сапалы байланыспен және интернетпен қамтамасыз етілетін болады.

Облыс әкімдігі ҚР Цифрлық даму, инновациялар және аэроғарыш өнеркәсібі министрлігімен бірлесіп, 2024-2027 жылдарға арналған Жол картасы бекітілді.

Айта кету керек, облыстағы 230 ауылдың 213-і интернетпен қамтамасыз етілген. Қалған 17 елді мекен жоғарыда аталған Жол картасы аясында интернетпен толық қамтылмақ.

«Қолжетімді интернет» ұлттық жобасы шеңберінде аймақтағы республикалық және облыстық маңызы бар автомобиль жолдарының бойында 9 антенна-дінгек құрылысын салу жоспарлануда.

5G жоғары жылдамдықты интернетпен қамтамасыз ету жобасы бойынша Қызылорда қаласында 10 базалық станса орнатылып, оның 9-ы іске қосылды.

ҚАЛА ӘКІМІ МӘСЛИХАТ ТӨРАҒАЛАРЫН ҚАБЫЛДАДЫ

Қызылорда қалалық мәслихатында «Халыққа қолайлы инфрақұрылым. Жайлы шаһар жасау бастамалары» тақырыбында семинар-кеңес өтті. Іс-шара биыл жергілікті өкілді органдар – мәслихаттар институтының құрылғанына 30 жыл толуына орай алғашқылардың бірі болып, біздің облыс орталығында өтуде.

Оған еліміздің сегіз облысынан қалалық мәслихат төрағалары мен депутаттары қатысты. Семинар басталмас бұрын қала әкімі Серік Қожаниязов қонақтарды қабылдап, ірі инфрақұрылымдық жобалар мен қаланың ұзақмерзімді даму жоспарын таныстырды.

Жиында Қызылорданың әлеуметтік-экономикалық дамуының негізгі бағыттары, жолдар мен көшелерді қалпына келтіру, сондай-ақ абаттандыру жобалары туралы айтылды. Осындай жұмыстарды бір көзден жүргізу үшін өткен жылы қалада «Жасыл Қызылорда» коммуналдық мемлекеттік мекемесі құрылған.

Сонымен қатар қаланың жаңа дизайн-коды таныстырылып, бюджетті жоспарлау және оның орындалуын бақылау мәселелері талқыланды.

Түстен кейін семинар қатысушылары Қызылорда қаласындағы құрылыс нысандарын аралап, шыны зауытының, «Мағжан и К» ЖШС күріш өңдеу зауытының, «Отбасы орталығының» жұмысымен танысты.

Қонақтар облыс орталығының саулеттік келбетін, көгалдандыруын, тазалығын жоғары бағалады. Мұндай іс-шаралар алдағы уақытта мәслихаттар арасындағы ынтымақтастықты нығайтып, тәжірибе алмасуға мол мүмкіндік береді.

«СБ» ақпарат

/// БРИФИНГ

ӨМІРШЕҢ ІСТЕРДІҢ БАЙЫПТЫ БАСТАМАСЫ



Аудан әкімі экономикалық дамуда оң тенденция қалыптасып, жеті макроэкономикалық көрсеткіш бойынша өсім орын алғанын атап өтті. Мысалы, инвестиция саласында 16,4 пайыз өсім бар. Жыл басынан бері ауданға 4,1 млрд теңгеге жуық инвестиция тартылған. Оның 1,5 млрд теңгесі ауылдық жерлерге, 2,6 млрд теңгесі Арал қаласына тиесілі. Аудан бюджеті биыл 15,2 млрд теңгемен бекітіліп, өткен жылғыдан 105,3 пайызға жоғарылаған. Есепті мерзімде өңірдің барлық кірістері 3 млрд теңгені құрап, 107,5 пайызға өскен. Оның ішінде ауданның өз түсімдері 1 млрд теңгені құрап, 25,4 пайызға артық орындалған.

– Жыл басынан бері өнеркәсіп орындары 9,1 миллиард теңгенің өнімін өндіріп, өсім 17,4 пайызға жетті. Атап айтсақ, 148,1 мың тонна тұз, 49,4 мың текше метр табиғи құм қазылып, 84,8 мың тонна йодталған тұз, 1494 тонна балық және балық өнімдері өндірілді. Аудан көлемінде 2024-2028 жылдар аралығында бірыңғай Индустрияландыру картасы, жалпыұлттық жобалар пулы және өңдеу өнеркәсібі жобаларының пулында іске асырылуы жоспарланған құны 174,8 миллиард теңгені құрайтын 13 инвестициялық жоба бар. Биыл өңірлік үйлестіру кеңесіне инвестициялық жобалар тізіміне қосымша 3,4 миллиард теңге болатын үш жоба ұсынылды, – деді Аманжол Оңғарбаев.

Аталған үш жоба биыл іске қосылмақ. Олар – «CamelPro» шаруа қожалығының заманауи су сақтау технологияларды пайдалана отырып жоғары калориялық жоншықа өсіру жобасы, «Арал Проф Н» ЖШС-ның темірден дайын өнімдерді өндіру жобасы және «Аманжолов Жұбарыш» дара кәсіпкерлігінің ылғал майлықтар өндіру цехы.

Сонымен қатар Арал қаласының индустриялық аймағындағы жер телімдері толық игеріліп, қосымша 10 гектар жер табысталған. Жалпы көлемі 16 гектарды құрайды. Бұдан бөлек, ауданда шағын және орта кәсіпкерлік субъекті саны 5204-ке жеткен. Оның 95,7 пайызы тұрақты жұмыс істеп тұр. Шағын және орта кәсіпкерлік саласында 8397 адам жұмыспен қамтылып, салада өндірілген өнім 21,1 млрд теңгені құраған. Өсім – 147,3 пайыз.

Сондай-ақ аудан әкімі мемлекеттік бағдарламалар мен жалпы қаржы институттары арқылы 954,3 млн теңгенің 35 жобасы несиелендірілгенін атап өтті. Ауданда туризм саласына 2,4 млрд теңге тартылып, 3 мейрамхана, қонақүй және «Арал» қонақүйі жанынан бассейн, «Батыс Еуропа – Батыс Қытай» автомобиль жол

Кеше өңірлік коммуникациялар қызметінде Арал ауданының әкімі Аманжол Оңғарбаев БАҚ өкілдеріне арнап брифинг өткізді. Онда биылғы жылдың бірінші тоқсанында ауданда атқарылған жұмыстар, алдағы міндеттер айтылды.

бойы сервисі мен метангаз құю бекетінің құрылысы жүргізілуде.

Ауданда 2022-2024 жылдарға арналған «Ауыл шаруашылығы саласын дамытудың Жол картасы» мал, егін, балық шаруашылығы бағыттары бойынша іске асырылуда. Бұл бағытта жыл басынан бері 2,3 млрд теңгенің өнімі өңделген.

– Бекітілген жол картасы аясында 792 миллион теңгені құрайтын 30 жобаны жүзеге асыру жоспарланса, бүгінге 298,4 миллион теңгенің 24 жобасы іске қосылды. Оларда 99 адам тұрақты жұмыспен қамтылды. Атап өту керек, қиым жол картасына өзгеріс енгізіліп, қосымша 12 жоба қосылды, – деді аудан әкімі.

Мал шаруашылығы да тұрақты дамуда. Ауданда кейінгі үш жылда төрт түлік мал басы 30 мыңнан астам өскен. Құрылыс саласы да қарқынды. Жыл басынан бері 1,1 млрд теңгенің құрылыс жұмыстары жүргізілген.



Атқарылып жатқан тағы бір ауқымды жұмыс – биыл Сексеуіл кенті «көгілдір отынға» қосылмақ. Құны 3,5 млрд теңгені құрайтын жоба жыл соңында аяқталады. Сондай-ақ «Нұрлы жер» тұрғын үй құрылысы мемлекеттік бағдарламасы шеңберінде Арал қаласындағы №4, 5, 6 шағын аудандарында газ желілерінің, №1 шағын ауданда электр желісінің құрылысы жүруде. Алдағы уақытта «Ауыл – ел бесігі» жобасы аясында «Аманөткел» ауылында 150 орындық клуб, «Шижагада» заманауи спорт кешені салынып, «Шижаға» елді мекені мен Арал қаласында 0,4 және 10 кВт әуе желілері жүргізіледі.

Биылғы жылдың басты жаңалықтарының бірі – Арал қаласында жалпы ұзындығы 12 шақырым кәріз желісі салынады. Оған 15 әлеуметтік нысан қосылады. Бұдан бөлек, биыл көлік инфрақұрылымын дамытуға барлығы 3939,9 млн теңге жоспарланған.

Аудан әкімі бірнеше жылдан бері қордаланып келген мәселе – Арал қаласындағы теміржол үстінен өтетін көпір құрылысы жыл соңына дейін толық аяқталатынын айтты. Айта кетсек, «Жайлы мектеп» жобасы аясында ауданда төрт 300 орындық білім ордасы бой көтереді. Оның екеуі – аудан орталығы мен «Сексеуіл» кентінде салынып жатқан мектептер биылғы оқу жылында пайдалануға берілмек.

Жалпы, аудан бойынша алдағы жоспарлар ауқымды. Мысалы, 2024-2026 жылдары республикалық және облыстық бюджеттен қаржыландыру мақсатында тиісті министрліктерге жалпы құны 18 млрд 676,6 млн теңгеге 27 жоба ұсынылып, нәтижесі күтілуде.

Әлеуметтік салада да оң серпін бар. Брифингте аудан әкімі мектеп бітіруші түлектер үшін қуанышты жаңалықпен бөлісті.

– Бұған дейін мектеп бітіруші түлектер Ұлттық бірыңғай тестілеуді Қазалы, Қызылорда қалаларына барып тапсыратын. Биыл бұл мәселе оң шешімін тапты. Енді аралдық талапкерлер ҰБТ-ны аудан орталығында тапсыратын болады. ҰБТ пункті болып Ұ.Қараманов атындағы №262 мектеп-гимназиясы таңдалды, – деді Аманжол Сақыпұлы.

Ауданда денсаулық сақтау нысандары, олардың техникалық жағдайына байланысты

мәселелер де түбегейлі шешім табуда. Бытыр «Қызылжар», «Бөген» ауылдарында жаңадан дәрігерлік амбулаториялар, «Жалғызбағым», «Тастүбек», «Көктем» елді мекендерінде медициналық бекеттер пайдалануға берілген. Биыл «Сексеуіл» кентінде 40 орындық аурухана пайдалануға беріліп, Тоқабай елді мекенінде дәрігерлік амбулатория салынады. Оған қоса, аудандық аурухана жанынан жапсаржай, Арал қаласының «Шанхай» шағын ауданынан ауысымына 250 адамды қабылдай алатын емхана құрылыстары да биыл басталады.

Аудандық ауруханада 54 орынды кардиология және инсульттік бөлімшелер ашылған. Бұдан бөлек, биыл аурухана МРТ, ангиограф қондырғыларымен жабдықталады. Аудан халқы үшін тағы бір жағымды жаңалық – «Қамқорлық» ерте оңалту орталығын ашу үшін реконструкция жасауға 360,0 млн теңге бөлініп, жұмыстар басталған. Орталық 2-17 жас аралығындағы мүгедектігі бар балалар мен жасөспірімдерге арналған. Ашылған соң мекеме «Қазақстан халқына» қорынан 1,2 млрд теңгеге медициналық құрал-жабдықтармен қамтылады.

Сондай-ақ биыл ауданда «Руханият» орталығының құрылысы басталады.

Биболат СӘТЖАН,
«Сыр бойы»

СУРЕТШІЛЕР СИМПОЗИУМЫ

– Көркемсурет – өнер атаулының ішіндегі көркем де бейнелі руханият қазынасы. Суретші – қоршаған әлем мен шексіз тарихты дәлдікпен бейнелейтін шебер. Әрбір суретшінің, әрбір картинаның өзіндік тарихи мәні, құндылығы бар. Сыр өңірі – каламына сыр мен сұлулық тұнған талай талантты тұлғаларды дүниеге

әкелді. Қазақтың тұңғыш ұлттық драма театрының сахна көркемдеушісі Ләтипа Қожықова, ағайынды Қожахмет пен Құлахмет Қожықовтар, Сахи Романов, Салихитдин Айтбаев қазақ бейнелеу өнерінің дамуына үлес қосып, қайталанбас өнер өрнегімен айрықша із қалдырды. Биыл аймақ басшысының бастама-сымен «Руханият жылы» деп



жарияланды. Мерейлі жыл аясында тың жобалар жүзеге асырылуда. Аз уақыттың ішінде еліміздің мәдениеті мен өнерін

ошақтар бой көтеріп, халыққа мәдени-рухани қызмет көрсетуде. Суретшілер симпозиумы араға бес жыл салып, қайта қолға алынып отыр. Сырдың бас қаласының сәні мен сәулетіне суретшілердің де үлесі зор. Өнер керуені сіздерге тың идея мен шығармашылық шабыт сыйлайтынына сенім білдіремін, – деді аппарат басшысы.

Симпозиумға Өзбекстан, Қырғызстан және республиканың басқа да аймақтарынан барлығы 23 қылқалам шебері қатысты. Қонақтар шара аясында облыс орталығындағы көрнекті жерлерге экскурсия жасап, қала келбетін қылқалам туындыларына арқау етпек.

– Биылғы симпозиумның бағыты өзгеше. Сондықтан суретшілер сапары жемісті болады деп есептеймін. Бүгінгі жобаның негізгі мақсаты – Сыр елінің тарихын, өзіндік ерекшелігін туындысына арқау ету. Бұл өнер қорын байытады. Көр-

кемсурет өнері кенжелеп қалғаны жасырын емес. Ал мұндай қолдаудың болғаны бізді қанағаттандырады. Жақында ғана Қазақстан Суретшілер одағының 90 жылдығын атап өттік, 10 мемлекеттен суретшілер катысты. Жалпы Қазақстан Суретшілер одағы – үлкен ұйым. Қатарымызда мыңнан аса суретші тіркелген. Он бес филиалымыз жұмыс жасайды және жеті жеке ұйыммен меморандум бар. Жас суретшілер талабын жетілдіру жұмысы жүйелі жүргізілуде. Мұндай шара дәстүрлі сияп аласа, нұр үста нұр болар еді, – дейді Қазақстан Суретшілер одағының төрағасы Өмірбек Жұбанязов.

Симпозиумның қорытынды көрмесі 21 мамыр – Мәдениет қызметкерлері күні «Өнер орталығында» ұйымдастырылады.

Тұрар БЕКМЫРЗАЕВ,
«Сыр бойы»

Облыстық «Сыр бойы» газетінің 95, қалалық «Ақмешіт апталығы» газетінің 30 жылдығына орай «Сыр медиа» ЖШС-ның ұйымдастыруымен Қызылорда қаласындағы мектеп оқушылары арасында «Журналистика – мәні терең мамандық» атты жас ақындар мүшәйрасы өтті. 9-11 сынып оқушылары арасында өткен жыр мүшәйрасының басты мақсаты – ұлт тарихын арқау етіп, елдік пен ерлік дәстүрді, өңірдің оң имиджін насихаттап, ақпарат жаршысына айналған басылымдар мәртебесін көтеру.



ЖЫР МҮШӘЙРАСЫНЫҢ ЖҮЙРІКТЕРІ АНЫҚТАЛДЫ

Студенттер сарайында өткізілген мүшәйраның ашылу салтанатында облыстық «Сыр бойы» газетінің бас редакторы Қуат Шарабидинов ақпарат саласының маңыздылығына тоқталып, мұндай іс-шаралар жас таланттардың көпке танылуына ықпал ететінін атап өтті. Сонымен бірге «Ақмешіт апталығы» газетінің бас редакторы Гүлмира Ділдібаева, «Kyzylorda-news.kz» ақпарат агенттігінің редакторы Әзиз Батырбеков қатысушыларға сәттілік тіледі.

Айта кетейік, жыр байқауында жас таланттар «Журналистика – мәні терең мамандық» тақырыбы бойынша жазған өлеңдерімен қатар еркін тақырыптағы туындыларын да ортаға салды. Мүшәйраға 20 оқушының еңбегі қабылдана, іріктеу кезеңінен өткен 11 жас талапкер шығармаларын оқыды. Қатысушыларға «Ұстаз мәртебесі» газетінің бас редакторы Нұрлан Көбегенұлы, Қорқыт ата атындағы Қызылорда университеті әлеуметтік және тәрбие жұмысы бөлімінің басшысы Жанар Бимұратқызы, ақын Ақжол Түменбай және «Ақмешіт жастары» газетінің тілшісі, ақын Аружан Оралбай төрелік етті. Жыр мүшәйрасын «Ақмешіт жастары» газетінің бас редакторы Айдар Сайлауов жүргізді.

Нәтижесі бойынша бас жүлде Ұлықбек Бектайға бұйырса, I орынды Мерей Қалабай иемденді. II орынға Данияр Құрбанәлі мен Мереке Қуаныш, III орынға Расул Жеткерген, Нұрайна Жүсіпбекова, Талшын Оспан есімді оқушылар лайық деп танылды. Ал өнерімен көзге түскен Ақтай Нұрбек «Көрермен көзайымы» номинациясы бойынша марапатталды. Азамат Қонысбекке, Ботагөз Мұхамбетжанқызы мен Мерей Шәкратқа алғыс хат табыстылып, барлық қатысушылар арнайы сыйлықтарға ие болды.

Дина БӨКЕБАЙ,
«Сыр бойы»

МАМАН ҚАЗЕТ

«Қазалы теміржол ауруханасы» ЖШС жалпы медициналық жұмыс өтілі 10 жылдан асқан, «Невролог (ересек балалар)» міндетті маман сертификаты бар маманды 1,0 штат бірлігіне тұрақты орынға нейронсульт бөлімінің меңгерушісі қызметіне жұмысқа қабылдауға конкурс жариялайды. Еңбекақысы 10 жыл жұмыс өтілімен 534783 теңгені құрайды (осы төленетін еңбекақыға қосымша – санаттылығы (бар болса), дәрігердің кезекшілікке тұрғанына және ақылды қызметтен түсірген табыстың пайызы төленеді). Жұмыс өтіліне қарай жалақысы жоғарылайды.

Байланыс номерлері: қабылдау бөлімі: 8 724 38 21-0-11, кадр маманы: 8 701 899 67 18. Эл. почта: medtranskz@mail.ru.

«ЕСІЛДЕ ЖҮРІП, СЫРДЫ ОЙЛАП...»

Ө.Тәжібаев атындағы облыстық әмбебап-ғылыми кітапханада ақын, сатирик, халықаралық «Алаш» әдеби сыйлығының иегері Өріс Яшүкірқызының 75 жылдығына арналған кездесу кеші өтті. Оған облыстың зиялы қауым өкілдері, шығармашы топ жетекшілері, ардагерлер, бұқаралық ақпарат құралдарының өкілдері қатысты.

Өріс Яшүкірқызын көзіқарақты қауым ақын, жазушы, сатирик, журналист ретінде жақсы біледі. Төрт жанрды еркін меңгерген оның қай шығармасы да шынайылығымен, тазалығымен тартымды. Әсіресе қазақы бозаға толы кестелі тілі оқырманды жетелеп әкеледі.

Кешті Қазақстан Жазушылар одағы облыстық филиалының төрағасы, белгілі тележурналист, ақын Қаршыға Есімсейітова жүргізді. Алдымен жиын модераторы қаламгердің шығармашылық жолына тоқталып, автордың көркем сөз өнеріндегі жанкешті еңбегін жоғары бағалады.

Сондай-ақ кеш барысында облыстық мәдениет, архивтер және құжаттама басқармасы басшысының орынбасары Қуаныш Жанұзақов құттықтау сөз сөйлеп, жазушыға облыс әкімінің «Құрмет грамотасын» табыстады. Қазақы дәстүр бойынша нығыз шапан жапты.

Айта кетсек, «Ерен еңбегі үшін» медалінің, «Баспа және полиграфия ісінің



қайраткері» құрмет белгісінің иегері Өріс Яшүкірқызы – журналистикадағы қарымды шығармашылығымен, оның ішінде өлеңдерінен бөлек, юмор-сатирасымен және детектив жанрындағы шығармаларымен де танылған қаламгер. Автордың «Боямасыз өмір», «Сексеуілдің шоғы», «Шенеунікше тактика», «Қараша қаздың қаңқылы» жинақтары кезінде оқырман тарапынан лайықты бағасын алды.

Кеш барысында қаламгердің шығармашылығы мен адами келбеті жайында ақын, Қазақстан Жазушылар одағының мүшесі, Сырдария ауданының Құрметті азаматы Махмұтбай Әміреұлы парасатты ой

сабактады. Бұған қоса, белгілі суретші, «Құрмет» орденінің иегері Амангелді Кененбайұлы құттықтау сөз сөйлеп, мерейтой иесіне сый-сияпат көрсетті.

Сондай-ақ облыстық филармония әншілері мен «Айдарлы» ауылдық «Әжелер» ансамблі әннен шашу шашты. Кеш соңында Ө.Яшүкірқызы жиналған қауымға ризашылығын білдірді.

Іс-шара соңында қатысушыларға «Қазіргі қазақ детективі» тақырыбындағы кітап көрмесі таныстырылды.

«СБ» ақпарат

/// ПОЭЗИЯ КЕШІ

СЫРШЫЛ АҚЫНҒА АРНАЛДЫ

И.Әбдікерімов атындағы Қызылорда аграрлық-техникалық жоғары колледжінде көрнекті лирик ақын Сағи Жиенбаевтың 90 жылдық мерейтойына арналған поэзия кеші өтті. Іс-шараны қалалық №20 кітапхана ұйымдастырған.

тап-таза сезімдер өрнектеліп суреттелген. Кеште ақынның осындай өлеңдерін колледж студенттері жатқа оқыды.

Қырық жылдық шығар-

алғашқы жыржинағы 1959 жылы жарыққа шықты. Шарада қалалық №20 кітапхана кітапханашысы Падиша Шманова оның өмірі мен шығармашылығынан сыр шертті.

– Өкінішке қарай, халқына осындай жыр сыйлаған ақын дәл туған күнінде, 60 жасында дүниеден озды. Соңында қалған оқырманы барда Сағи ақынның сырлы өлеңдері мәңгі өмір сүреді. Сондықтан оның көркем мұрасын жас ұрпаққа насихаттау – баршамыздың парызымыз, – деді ол.

Кеш барысында Қазанғап атындағы жоғары музыкалық колледжіндегі студенті Қаракат Әбдікерім Сағи ақын сүйіп тыңдаған халық әні «Акеркені» орындады. Сондай-ақ С.Жиенбаевтың өмірі мен шығармашылығынан арнайы видеослайд көрсетіліп, кітап көрмесі ұйымдастырылды.

«СБ» ақпарат



Нәзік жырымен оқырманын елең еткізіп, қазақ әдебиеті әлеміне 60-жылдары келген Сағи Жиенбаев – түрлі

тақырыпта жырлаған көрнекті ақын. Оның поэзиясында табиғаттың әсем сұлулығы, әсерлі махаббат, жан сұлулығы,

машылық қызметінде Сағи Жиенбаев айрықша ақындығымен танылды. Лирик ақынның «Қарлығаш» атты

www.facebook.com/syrboiy.kz/

https://twitter.com/syrboiy

www.instagram.com/syrboiy_kz

Меншік иесі
СЫР МЕДИА

жауапкершілігі шектеулі серіктестігі

БАС ДИРЕКТОРДЫҢ МІНДЕТІН АТҚАРУШЫ
Марат АРАЛБАЕВ

қабылдау бөлмесі тел/факс: 8/7242/ 70-00-36, 40-11-10 (1002)

БАС РЕДАКТОР
Қуат ШАРАБИДИНОВ

қабылдау бөлмесі – тел: 8/7242/ 40-02-17, 40-11-10 (1007)

Бас редактордың орынбасары – 40-11-10 (1033)
Жауапты хатшы – 70-00-81 (1037)

Бөлімдер:
руханият және ақпарат – 40-11-10 (1039, 1040)
экономика – 40-11-10 (1038, 1033)
әлеумет және саясат – 40-11-10 (1034)
жарнама – 70-00-52, 40-11-10 (1058)
есеп-қисап – 70-00-39, 70-00-38
компьютер орталығы және корректорлар – 40-11-10 (1036, 1035)

Қызылорда облыстық «Сыр бойы» газеті ҚР СТ ISO 9001-2016 (ISO 9001:2015) «Сапа менеджменті жүйелері» талаптарына сәйкес KZ.4310318.07.03.01178 нөмірімен сертификатталған. Авторларға қаламақы тапсырыс бойынша төленеді, қолжазба өңделеді және қайтарылмайды. Жарияланымдар газеттің түпкілікті көзқарасын білдірмейді. «АҚ» - ақылы қызмет. Жарнама мазмұнына жарнама беруші жауапты.

Газет аптасына 3 рет (сейсенбі, бейсенбі, сенбі күндері) шығады.

Газет Қазақстан Республикасының Мәдениет және ақпарат министрлігі Ақпарат және мұрағат комитетінде тіркелген. Тіркеу куәлігі №12993-Г, 27.08.2012 ж.

Газет редакцияның компьютер орталығында теріліп, беттеліп, «ASU» баспа үйі» ЖШС сенімгерлік басқаруындағы «Сыр медиа» ЖШС баспаханасында басылды. Тел.: 8/7242/ 40-06-68. Газеттің таралымы бойынша 8/7242/ 70-14-08 телефон нөміріне хабарласуға болады.